

47960

ORATIO
AB ELOQVENTIÆ PROFESSORE
RECENTI EAQVE INSIGNI LIBERALITATE
PER ILLVSTRISS: ET REVERENDISS.
GLORIOSISSIMÆ RECORDATIONIS
D. PETRVM TYLICKI
EPISCOPVM CRACOVIANSEM
MATRI SVÆ BENIGNISS. AC AD: CRAC.
ET
GENEROSÆ IVVENTVTI POLONÆ,
QVÆ IN SPEM PATRIÆ ET ECCLESIAE DEI CRESCERET,
PERPETVIS TEMPORIBVS DONA-
TO ET INSERTO:

Interim

M. SIMONE HALICIO, ANNO CHRISTI M. DC. XVI.
DIE CÆCILIAE VIRGINI ET MARTYRI SACRO:
FREQVENTISSIMIS IISQ. ORNATISSIMIS AVDITORIBVS
IN DOMO MAGNI REGIS
WLADISLAI IAGELLONIS
IN LECTORIO DD. THEOLOGORVM

HABITA.



CRACOVIAE,

In officina Typographica Francisci Cefarij,

Anno M. DC. XVII. impressa.

Symbola Cathedralis Ecclesiæ Crac.



41960
I hr

Romanum obtuitus Cyneas aliquando Senatum,
Compositum dixit Regibus esse viris.
Hæc est ô Patres vestri quoq; forma Senatus:
Quisquis non credis, regia signa vide.

IOANNES SIENIENSKI
Elog. Stud.

✠ ✠ ✠

Amplissimo & Reuerendissimo CATHEDRALIS ECCLESIAE CRACOVIENSIS CAPITULO.

DOMINIS D. ET PATRONIS
S V I S O P T I M I S .

M. SIMON HALICIVS S. P.



IN Vestre fidei atque sapientia autoritate, VIRI AMPLISS: posuit Oratori suo presidium dignus qui nunquam moreretur TYLICIVS. Hac erat quæ rerum usu, quæ disciplinarum Sole percocti iudicij præclara de augustissimo CRACOVIENSI CAPITULO sententia. Accepistis boni & sapientis Episcopi honorificum ordini Vestro testimonium & affectum. Nempe stimulus erat VOBIS magnus, & perquam honestus ipsa in ACADEMIAM CRACOVIENSEM, & ciuiles istas in ea literas propensissima voluntas. Et quis hoc non collegerit, vel ex illius inusitata dei claritate, quo mea professionis initia dignitatis Vestre splendore illustrastis. Illa enim lectissimorum hominum undiquaq; confluens frequentia, illi animi in vota preces, laudationes amantissimi Reipub: Senatoris TYLICII soluti, VOBIS tanquam propositis ad imitandum spectatissimis exemplis sunt attribuendi. Quò enim se principum virorum fauor inclinât: eò cætera sequi solet multitudo. Tulistis repente facti Oratoris, quæ Vestra fuit humanitas infaniam: quid mirum si incidentes audientium nubecule ex Vestri vultus amœnissima iucunditate capiebant serenitatem? Meriti res ista non fuit mei: sed in TYLICIVM, & in elegantioris disciplina studia constantissimi amoris & fauoris argumentum. Quod etsi solum veræ laudis immortalitatem asserat viris summo loco positis: ego tamen hanc egregiam animi significationem in ACADEMIAM nostram beneficij maximi loco numero. Atq; cum turpe existimem eloquentiæ Professore velle silentio gratum videri: cum illis ipsis primitijs

magnos venio. Ita suaserunt amici; ita voluit meorum Maiorum auctoritas: ut & beneficij TYLICIANI, & mei erga VOS culus deuotissimi aliquod etiam apud eos qui victuri sunt extaret vestigium. Scio ferax esse Aristarchorum istud seculum, praesertim in eam artem, cuius est infelicitatis omnium audire & coquere iudicia. Apelli enim licet dicere: Ne futor ultra crepidam: at CICERO ipse vel Demosthenes cuiusvis liberio rem ex plebe admonitionem ferre debet. In causa est, quod de aliorum operis eius tantummodo artis periti iudicare solent: in Oratoris opus etiam inconstantissimi vulgi se extendit imperium. Nec tamen ideo concido animo: ea est enim nominis vestri maiestas & amplitudo, ut eam nullus diffidens sibi lior, nullaque improbitatis insania audeat appetere. Sub huius patrocinium ego cum isto primigenio confugio, quaque possum animi summissione a VOBIS VIRI AMPLISSIMI peto, ut quem semel tuendum atque ornandum suscepistis; eum a Vestra beneuolentiae portu securissimo nolitis excludere. Fateor, ut est natura principiorum, haec quoque mea esse rudiuscula; at pro Vestra facilitate atque prudentia, etiam simplici Orationis cultu vestitum TYLICIVM splendere putabitis: memores & in agresti lacinia augustiorem animi habitum bene apparete. Viuet hoc in me cum ceteris Vestris singularibus beneficijs, quae ego reuerenti obsequio & memoria colere statui sempiterna.

Data ex domo Collegij Maioris. VIII. Calend. Maij. Anni 1617.

Ecisset utinam supremus ille rerum
 omnium effector & moderator Deus,
 AUDITORES, ut præsentem potius
 in hoc Vestro confesso amplissimo, sa-
 cerdos Episcopum, Academicus Can-
 cellarium, opinione eloquentiæ commendatus, virū
 dicendi laude præstantissimum, solennibus gratiis
 exciperem; & nō ereptæ ex oculis augustissimæ vir-
 tuti, ac singulari in nos benevolentia, tam sollicitè iu-
 stissimum gratæ recordationis obsequium quærerē.
 Quod enim optandum erat maximè, quodq; vnum ad
 splendorem & dignitatem ordinis Academici, & am-
 plissimæ huius Reipub: proprium ornamentum per-
 tinebat, id optimi Antistitis diuina virtus, altiori
 quodam consilio excitata, summâ cum voluptate o-
 mnium nostrū perfecisse videtur. Mirabamur quid
 esset, quod in tantâ Philosophorum, Iureperitorum,
 Theologorum, & ceterorum clarissimorum virorum
 copiâ, quorum eruditio & virtus incurrit in lucem
 omnium: iam principes è Rep: viri, iam nobilissimi
 quique ex loco equestri, vel veterem quærerent, vel mo-
 dernis temporibus commodiorem expeterent Acade-
 miam. Nullus iam his sermonibus relictus est locus

sublata omnis coquerendi occasio: postquā admirabilis TYLICII sapientia, & viro magnifico digna liberalitas vniuersam Polonorū ciuitatē ad bene sperandū ita vehemēter excitauit. Cū enim acutissimē perspiceret animus ille, & præstantissimarū scientiarū copiā refertus, & plurimo rerum maximarū vsu perpolitus; rudem & indoctum ciuem haberi in Polonia, quantumuis celeriter inueniat, vel acriter videat, aut subtiliter distinguat, nisi sub lingua & calamo fuerit (vt dicitur) Mercurius: Eam præterea esse temporū conditionem, vt ibi maximē impendatur labor & periculum, vnde emolumentum atq; honos speretur: nouā & antehac nostræ tenuitati inauditā præmii magnitudine, ad publicum decus excitare voluit virtutē in arte dicendi peritorum. Effudit benignissimum suarum fortunarum sinum in Academiam; vt quā in languorem & obscuritatem ire dicebatur, occurreret procreatrici olim suæ charissimæ gratissimus filius, & seminarium vtriusq; Reipub: earum literarum, quæ ciuem liberaliter, sacerdotem piē instituerent, optim⁹ ipse Ciuis, & Sacerdos confirmaret. Sic iam nouā differtissimorum virorum accessione gloriabitur Academia, & nobilioris iuuentutis flos, domi, forisq; publicam rem faciet splendidiorē. Huius tam excellentis boni primo fructu, vel aliquo solū grati
animi

animi testimonio, vnam illam mentem adeo ex-
cellam & beneficam in hoc vestro conspectu iucun-
dissimo præsentem recreassemus: adhuc benigniori
diuinæ bonitatis oculo res nostras aspici crederemus.
Nunc inter tot tamq; graua Viri post hominum
memoriam laudatissimi desideria, quæ potest à me
par inueniri oratio? Tantum enim pietatis ardo-
rem, tam inusitatum, atque incredibile propagandæ
religionis catholicæ studium, tam insignem quotan-
nis in egenos beneficentiam, tam raram in maxi-
mis negociis cum dignitate Reipub: agendis dexte-
ritatem, in summis honoribus moderationem, tam
deniq; incredibilem sapientiam, animi magnitu-
dinem, quæ orationis vbertas, quæuè tam fælix
verborum copia, aut dicendi maiestas, vel imitari
conabitur? Crediderim ego pleniora magnorum in-
geniorum flumina, in explicandis præstantissimis
huius viri actionibus suam ariditatem deploratura;
licet toto vitæ suæ tempore, pertinaci studio, & con-
tinuâ scribendi agendiq; exercitatione ad eloquen-
tiæ fastigium euadere contenderint. Mihi verò re-
pente ex Philosophorum tabernaculis, in istum di-
gnitatis vestræ solem venienti; cum tantâ noui ora-
toris expectatione, cum adeo graui iudicijs eruditif-
simorum virorum respondendi necessitate, quanto
periculo

periculo arcendum it, recte intelligo. Sincere quo-
modo possum, vbi video tot in me oculos & ora cōij-
ci, & quod maius est, Academiā meritorum pulchri-
tudine superari? Audere non audeo, audendi enim
facultatem terret certissima insolentiæ suspicio: sed
vocet quis vel inconsultam rationem, vel si malit
crassiori verbo, temeritatem, quòd cogitem aliquid
de tam sublimi argumento apud viros adeò limati,
& perfecti iudicij dicere ego eius opinioni non re-
pugno: illud profiteor, me in quoduis horum inci-
dere, quàm sordidæ ingratitude suspicionem da-
re, vel maiorum voluntati non parere maluisse.
Quid ita obsecro inhumanum, immane, aut ferum
potest existimari, quàm sponte occurrentem optimi
Principis liberalitatem non excipere? vel quid ita
impium, aut nefarium, quàm ab eorum mentibus
dissidere; quos vitæ, commodorum, ornameto-
rumq; omnium autores, & amplificatores habueris?
Sumo igitur, Patres mei, vestrà incitatus voluntate,
armatus autoritate, hanc Oratoris excellentem per-
sonam, populari quidem opinione splendidam; at
eruditorum sententijs laboriosam. Recipio nutus,
arbitria, voluntates omnium: nihil iam dico de in-
genij aut valetudinis meæ imbecillitate: non que-
ror de exercitationis in dicendo diuturnâ intermis-
sione

sione; non assero deniq; incredibile latendi poti-
ùs, quàm ad aliquam hominum famam profuen-
di desiderium: feror totus in admirationem hero-
ici in optimas literas animi Maximi TYLICI ve-
stra me adolescentem singularis excepit humani-
tas, vestra iuuenem formauit disciplina: vos vi-
rum fortunis, honoribus, & quidquid maximum
vobis erat ornastis: vester in celebrādâ atq; propa-
gādâ illustri voluntate clarissimi istius Senatoris,
quantus quantus sum, esse volo. Crescit anim⁹ ex
his Craconiensis Ecclesiæ splēdidissimis lumini-
bus, ex hac pulcherrimâ Episcoporū atq; Senato-
rum origine, quæ me à vobis acceptum in hoc ho-
nestissimo loco, beneuolētissimis suffragijs, atq;
honorificentissimis testimonijs confirmauit, &
illustrauit. Apud hos viros, quorum ita singula-
rem perspicio beneuolētiam, quiq; vt alias virtu-
tes sui Episcopi, ita pium in Academiam affectum
ardentissimè cupiunt exprimere, quid ego potero
dicere, quod illorū aures perhorrescant? si omnes
de amico, vel patrono quantumuis rudes, & insua-
ues narrationes; politæ, & iucundæ vidētur amā-
tibus. Hoc vnum oro, ne interim à me illam re-
rum gestarum celebritatem exegeritis, quam po-

steritas alar, æternitas intueatur, quæq; orationis
maiestate exterarum gētium aures & animos con-
trectet: hoc enim neq; vni⁹ horæ angustijs, nec in
istis nascētis eloquentiæ principijs potest explica-
ri. Date id potius crescentibus ingenijs, inuale-
scenti orationis vi, florentibus breui tempore bo-
nis oratoribus, qui vltra huius amplissimi imperij
terminos, vltra florentissimos alios populos diffu-
dent fragiātissimum gloriæ TYLICIANÆ odorem.
Nos interim gratiæ referēdæ sumamus exordium
ab admiratione magnitudinis animi illi⁹, cū in
alijs egregiè factis; tū in hac artis dicēdi in Aca-
demiā nostrā splendidiori collocatione. Non pu-
to indignam fore Vestris auribus materiam, qui
recordatione charissimi capitis Vestri nihil habe-
tis iucundius: quiq; in istā sublimioris vitæ digni-
tate collocati nihil ijs literis quas amauit TYLICIVS,
geritis expressius. Velitis modo istis beneuolētiae
indicibus, luminibus (inquam) oculorū Vestro-
rum serenissimis, meæ orationis temperare nau-
igationem; per ipsam Vos bonitatem, & istius Ve-
stræ dignitatis pulcherrimū dec⁹ obtestor, & oro.

Solent sæpenumero eloquentiæ laude præstan-
tes viri, principia suarum laudationum virtuti ge-
neris,

neris, robori, formæ, dignitati, amicorum clari-
tati ac multitudini, & si quæ alia in precio habē-
tur cōsecrare: omnemq; maiorem dicendi vim in
huius modi rebus cōmemorandis cum quadā præ-
stātioris ingenij ostētatione explicare: Res enim
domi forisq; gestas, fortissimorum Ciuiū, potē-
tissimorum Regum, sapientissimorum Imperato-
rum, omne deniq; decus ac dignitatem fortunatis-
simarum Rerumpub: ab hoc vno oriri principio,
ex communi omnium populorum consensu, & di-
uturnis hominū moribus optimè didicerūt. Mit-
tamus peregrina; nostra hæc Patria nunquam ex
rebus bellicis & ciuilibus tantā collegisset gloriā,
nisi à parētibus nobilissimis, cum sanguine instil-
lata, & á diuinis laudū præconibus excitata gene-
rosi cuiusq; virtus, primā illam lucem splendidis-
simo factorū lumine propagare atq; cohonestare
pulchrū existimasset. Dum verò audiūt magnā in-
dole præditi adolescentes, se non tã fortunarum
quàm actionum clarissimarū progenitorum hære-
des esse debere: nihilq; ita probro haberi, vt inter
tot spectatissimas maiorū imagines degenerē esse:
legem sibi indicunt innocentia, continentia, vir-
tutumq; cōmuniū: neq; iam solū honestè, sed &

gloriæ cum præfartia aliorum laudibus iungant
victori vivere deliderat. Quid mirum, si omnes
boni nobilitati generis fauent, & in ea ornanda
tantum studij aut operæ collocant: si nemo hæc
præclara siue naturæ, siue fortunæ crnamēta; ni-
si improbus, & apertè insanus sit, contemnat? Ma-
gnus sanè est nobili loco criūdum esse: sed tamē
sunt alia longè maiora. Nam generis clari ampli-
tudinem; multi etiam nobilissimorum Philoso-
phorum solent extenuare verbis, eamq; detrahere
posteritati: quod maximè ridiculum sit in homi-
ne laudare aliena, & quæ in alium etiā sceleratissi-
mum transferri possunt. At verò maiori quodam
splendore animi conspici, ad dignitatem referre
omnia, sine quâ nihil vnquam homini libero est
expetendum in vita: præsentis fructus negligere,
posteritati & gloriæ seruire, id optimum, quod re-
ctissimum sit, putare, corpus hoc ex elementis cor-
rupti, ni continuæ cnoxij cōpositum etiam ma-
ximorum Principum esse mortale: animi verò im-
mortalis, & virtutis gloriam immortalem cogitare;
hec demum est sapere, frui animâ, & gloriosæ vi-
tæ altissimas radices agere; cuius laurea nullâ tem-
porū diuturnitate suam est amissura viriditatem.

His mul-

Hinc multo insignitioribus bonis, cum usque in admirationem venerit noster TYLICIVS, non miremur in eo illa, quæ vel alienæ innituntur gloriæ, vel in ipso externo splendore consistunt. Frustra enim corporis quærentur simulachra, ubi insignis aliqua imago animi apparuit. Quis dubitet eum generosissimis ortum maioribus, in quo tam singularia ad vitam cum dignitate agendam præsidia extiterunt? quiq; propriâ virtute ac industriâ perfecit; ut cum esset nobilissimi equitis filius, summâ honoris amplitudine, in Regno hoc viris fortissimis & sapientissimis florentissimo, & grauissimi Senatus auctoritate, & Regum gloriosissimorum iudicijs dignus putaretur. Omittamus igitur de genere dicere, quod & recentissimorum hominum sermo, & annalium vetustas probat fuisse semper domesticâ laudē celebratissimum. Illud potius augustioris animi decus, illam mentis excelsum, quæ se amplissimo quoq; honore dignum existimat intueamur. Hæc enim ut cæterarum omnium virtutum splendidissimum ornamentum, & quasi pulcherrima varijs ijsq; preciosissimis honestatis vnionibus insignita corona: effulset in capite summi isti? ad conseruandam Rempub: nati

hominis. Nā vt primū intellexit ē viris in Rep:
primarijs, rarissimas illas ingenij & eruditionis
opes, quas Deus præpotens ad iuuandos & tutan-
dos alios in se liberaliter effuderat, summo hono-
re dignas censerī: magno & forti animo contem-
psit caduca hæc & fragilia puerilibusq̃, consenta-
nea crepundiis bona: cūq̃; posset ociosam, & qui-
etam ætatem, sine vllō labore & contentione tra-
ducere: maluit laboribus, vigiliis, periculis, vite
deniq̃; ipsius dimicatione ad summam laudem cō-
tendere. Illum verò in primis suarum contentio-
num spectatorem esse cupiebat, à quo in hanc sta-
tionem vitæ, cum excellentissimis & ingenii &
animi facultatibus missus est: vt eum propagatio-
ne boni cōmunis imitando, pio gratitudinis cul-
tu veneraretur. Ita cæteri optimorum factorum
exemplo, ad similem venerationis ardorem exci-
tabantur; ipsa verò gratissima posteritatis memo-
ria, in cuius etiam nunc iucundissimā luce felicif-
simus quiescit, sponte sequebatur. Erat illi & alia
in Rempub: veniendi occasio. Videbat fortè viti-
um contra virtutem ferri vehementiori quodam
impetu, pluresq̃; communem sibi administratio-
nem arrogare, qui diuitias, voluptatem, honores,
saluti

saluti & dignitati vniuersorum præponerent: bonos ciues cunctatione, & tarditate sua, de integritate, & splendore publico aliquantulum deterere. Itaq; ne improbitas tumore laudis falsissime inlesceret, aut virtus suam æstimationem amitteret; accessit ad latus sapientissimorum & optimorum ciuitatis custodum, vt arte regēdi hanc magnam nauem melius instructus, ostenderet instar periti artificis cæteris ineptè ambientibus, vel vti ignorantibus: quis esset vsus, conditio, studium, pondus, autoritas, ciuis in Rep. Cæterum quia sciebat honorem esse externum signum excellentis alicuius probitatis; non existimauit properandum esse ad præmia, quæ non nisi bene cognite, maturæq; virtuti debentur: ne fortè leuissimo gloriæ vento inflatus, ardorem in Patriam extingueret, sitiq; ante debitū tempus expletā, prius fastidire, quàm esurire verum decus condisceret. Grauiori iam & constantiori ætate, post numerata in bellis stipendia, post depositum gloriosæ fortitudinis apud magnos imperatores balteum, deniq; post deditum & consecratum ipsi Deo animum, inflammatus ardentiori quodam studio ad prosequendum honestū ingressus est in Remp: vt aliquo præmio quasi pi-
gnore

gnere obligatus, faceret suæ virtuti aditum ad immortalitatem. Nec diu id fuit expectandum: magn⁹ enim Rex STEPHANVS, vt erat virorū speculator diligentissim⁹, statim illud ingenii & iudicii splendidiore lumen aspexit, atq; in proximo ad summos honores aditu virum persequit, magniq; Secretarii Regni honorificentissimo munere cohonestauit. Quo confirmatum nobilissimum peccat⁹, hoc vnum agere, cogitare, moliri, somniare cepit: vt illustriorib⁹ quotidie factis opinionem de se conceptam vinceret. Amare Patriam vehementius, Regem colere illustrius, vberiore Senatui spem polliceri, multitudinis oculos acriores in se vertere, sui putauit esse officii. Iam illis animorum pabuli de populatricibus, quæ nostram primam patriam, hoc est, metis bona comedunt, rationem exuunt, lumen iudicii excæcant, ne aspectum quidem ex longiori loco concedit: & quorum venena nauerat non attigerat, eorum etiam nomen detestatur & perhorrescit. Frequens in ore ipsius: Currenti ad gloriam impetu honesto, nihil debere esse commercii cum languore mentis, aut aliqua corporis oblectatione; nihil cum intemperantia ei, qui arcana non Cereris Eleusinae, sed amplissime Polonorum Reipub: concedita

credita haberet. Atq; vt Pericles Athenienſium
toties purpuratum honorem cōcutiens in memo-
riam publici decoris veniebat; ita TYLICIVS pri-
mam illam honoris imaginem ſtudioſè contem-
platus, admonebatur, ne quid citra dignitatem fa-
ceret: imò excitabatur, vt pro ea illuſtranda tueri
libertatem, ſalutem, vitam ciuium non deſiſteret.
Iudicio maximi prædeceſſoris ſui commendatam,
& ſibi in rebus difficillimis cognitam virtutem
complexus SIGISMVNDVS Rex, altiori loco di-
gnam iudicat, quæ in grauifſimo & moleſtiſſimo
Secretarij munere, tantam ſibi apud omnes bene-
uolentiam, laudem, admirationem pepererat. Vo-
catur itaq; cum luculentâ meritorum ſuorum cō-
médatione, aut potiustrahitur inuitus in amplio-
rem bene merendi campum, in Senatoriæ nimirū
dignitatis auguſtiſſimum Collegium: renuncia-
tur Culmenſis Epifcopus: fit ingens omnis gene-
ris, ordinis hominum plauſus, & acclamatio. Quæ
tumanimo illi fax appoſita? quæ cogitatio fan-
ctioris vitæ iniecta? qui ſtimuli ad maiorem glo-
riam ex pulcherrimis in Rep: actionibus compa-
randam ſubditi? Eſt quidem ſplendidifſimum,
virtuti, fidei, ſeligitalicuius cōmendari Remp:

at curis, sollicitudinibus, molestijs, obtreccionibus vulgi, calamitatibus, plenissimum, vt Senator Romanus. magnificum imperij nomen, & superbam pompam licitorum paruis aliquando Italiae latebris optaret commutare. Quid in Ecclesie specula constitui? quàm periculosum, præsertim in ea, in qua tot fortes & magni viri rerum maximarum principia cum tot difficultatibus posuerunt? Magno hîc animo fuit opus ingredienti ad summos honores: exiret eum vir fortissimus, omnium suorum consiliorum & actionum exempla, ex summorum in primis hominum factis censet esse petenda; pietatis, iustitiæ, fortitudinis, prudentiæ, amoris ciuium, in magna fortuna humanitatis; & aliarum virtutum non se iam cultorem aut amatorem profitetur: at custodem, vindicem, propugnatorem, fidelissimum, acerrimum, constantissimum protestatur: vt suo exemplo, ciues in maximis opibus continentiam, in summis honoribus legum æqualitatem colant, discantq; compri-mendas esse libidines, extirpandam lucri cupiditatem, pellendam luxuriam, ponendas simultates, donandas inimicitias, vt sancta seruetur Reipub: societas. Videt & cum Episcopatus honore
venisse

venisse nouum angorem vigilantia, atq; custodia ciuium, non Romanorum aut Atheniensium, at splendidissimae illius Hierusalem adscribendorum ciuitati, quos ipse summus mundi Princeps, proprio quaesuit sanguine. Hic iam vitium est non esse optimum, vitae innocentia & doctrinae praestantia non lucere; impium: propria potius lucra quam ea quae Christi sunt, per suscepti muneris gratiam confectari, sacrilegium. Neque hic animo cadit, multum sibi de illius gratia, qui virtutes excellentiores ex infirmitate nouit producere, pollicitus; tuetur se, domumq; suam ab omni peccati labe, humilitatis profundius iacit fundamenta, amoris ignem in Deum, in gregem colligit luculentiores. Nec satis putat morum sanctitate, sapientiae splendore, commissas oues ad virtutem incitare, aut maculas, vlcera, contagia, summam diligentiam tollere; imponit sibi necessitatem perpetuo in omni honestate atq; virtute proficiendi neq; proposita etiam poena, inuidia, morte ab eo, quod omnium salutem, Ecclesiae dignitatem, Dei gloriam spectet, recedendi. Quae omnia mox in vitae eius actionibus pulcherrime effulserunt: nam & domestici beatissimos se fore putabant, si secum

C 2

quam

quàm diutissimè cōmmoraretur, & proximi piâ
æmulatione, tam bonum Episcopum Culmæ in-
uidebāt. Non enim Ecclesia ab eo quidquam desi-
derauit, non senatoria dignitas vllâ re diminuta
aut obscurata est: gaudebat Cathedra Episcopo,
clerus patrono, nobilitas vniuersaq; Culmensium
prouincia, tam fidelem, diligētem, benignum præ-
sulem venerabatur. Sola religionis nouæ impo-
sitæ turba ingenti animi metu trepidabat, ne for-
tè auersam nuper callidissimis insidijs nobilissi-
mā prædā, turpissimè dimittere cogeretur. Neq;
hic metus illius erat inanis: vt enim in aspectum
pastoris venit insolitus Ecclesiarū squalor, iniuri-
arum cōtumeliarumq; à furiosissimis hominibus
illatarū magnitudo, cōsurrexit iusto dolore con-
citatus animus, perq; omnes aduersariorum dolos
& fraudes viam sibi muniuit ad gloriosos ex li-
bertatis Ecclesiarum vindicatione triūphos. Im-
mittit primū acerrimi ingenij lectissimos iuue-
nes in seminaria, artibus exercitationibusq; pie-
tatis continentia, diuinarum literarum, instru-
ctissima, quos deinde confirmatos & bene exerci-
tos per diuersos Episcopæ suæ locos in excubijs &
statione collocaret. Ipse interim acceptis aliquot

vetera

veteranorum turmis, ex proximo quoq; doctissi-
morum Theologorum Collegio, iustum bellum
in pace suspectâ quærit: mores, vitam, religionis
puritatem lustrat diligentissimè per suam dioce-
sim. Vix hostis aduentâtem subodoratus est, fugit
in densissimas tenebrarum Saxonicarum siluas, de-
speratâ latibulorum spoliolum recuperatione. De-
seruntur belluarû immanissimarum spœlea, relin-
quuntur tēpla nostrorum, fœdissimo (proh dolor)
contagio deformata, vincitur temeritas, cadit per-
fidia, fugatur improbitas, dissipatur impietas, liga-
tur conuulsio, infirmitas sanatur. Quid multis?
propè sexaginta fana nobilissima vno aduētū atq;
aspectu tulit gloriosus victor ab iniustis possesso-
ribus, sine cæde & sanguine: sola animi prudentiâ,
constantia, legum iudiciorumq; autoritate confir-
matus. Iuerunt captiuæ in triumpho antiquis o-
pibus & potentia superbæ ciuitates, quæ frustra
paulò ante occupatas, per amplas & dote grandi o-
pulētas basilicas (insignia piorum Catholicorum
maiorum suorum monumenta) summa vi & con-
tentione retinere voluerūt. Recepta veteribus do-
minis omnia, datum insuper ius domicilij religio-
sissimis hominibus, inductum pastoris officiū, po-

testas docendæ plebis reuocata, Sacramentorum
administratio, & alia sanctissimæ fidei nutrimen-
ta liberè propofita, summâ cum admiratione, imò
ipſorum ob datas manus maximo pudore populo-
rum. Abite superbæ gentiliū oleastri, cedite lau-
rorum aut apiorum viridatîa folia, vileſcant om-
nes quantumuis magnifici, quantumuis ſplendidi
equorum, curruum, ordinumq; variorum appara-
tu: rideris & tu effuſa ex vrbibus in gratulationes
triumphatorū multitudo. Animæ hîc diuinâ ſplen-
dentes immortalitate in opimis ſpoliis habentur:
non corporum fragilitas brutis animantibus com-
munis. Sacerdos ſummi veriſq; Dei inuehitur ful-
genti ardentiffimæ charitatis curru, non aliquis
Fabius aut Scipio, eboris aut auri opinione ſtultif-
ſimè faſcinatus. Purpuratam gerit hic front: pre-
cioſiſſimo filij Dei ſanguine; non viliffimi ebulli-
baccis aut minio fallaciſſimo nitentem: iugum eſt
trium equorum generoſiſſimorum Dei, Eccleſiæ,
Patriæ amor, non vnus ignauiffimus caballus, cu-
ius nomen ingratiffimum SIBI ſanctam vbiq; diſ-
ſoluit ſocietatem. Spectatores, ductores, gratulato-
res ſunt potentiſſimæ ac ſapientiſſimæ beatorum
mentium legiones; non ignobilis vulgi ſine pon-
dere

dere numerus. Fælices captiui, qui ad vitæ dignioris libertatem præmiis amplissimis inuitantur, nō angustissimis compedibus trahuntur ad barbaricę seruitutis turpitudinem. His tot tamq; splendidis altissimarum virtutum exercitiis percussa malevolentia; seu inuidia; tabes, non iam in omnium animis libere, iucundeq; regnanti viro fortissimo, fumum aut caliginem subiicere, aut insidias potuit machinari. Tanta enim illi creuerat dignitas, vt Regiam voluntatem, & Senatus beneuolentiam in manu (vt dicitur) haberet; populi incōstantiā nihil in TYLICIO honoribus augendo constantius. Vni uersis enim ex nobilitate pari animorum consensione sociati ingrediuntur in curiam, atq; vt vires Cancellarii IOANNIS ZAMOSCHII, cuius & quāti viri? satis dico apud orbem terrarum ZAMOSCHII Episcop^o Culmenfis TYLICIVS obiret, prolixā meritorum ipsius commendatione, & summā dicendi vi efficiunt. Munus quidem illustre in Repub: in cuius tutela salus & libertas omnium ciuium continetur; at ex ipsis molestiis & difficultatibus contextū. Quid ita graue, vt ex eo loco prospicere, vnde oculis, auribus, studiis summorum, mediorum, infimorum seruiendum est? Ille negotia externa
de rebus

de rebus grauissimis cum Pontifice, cum Imperatore, cum Regibus, & Principibus maximis inire, tractare, componere, expedire: ille ne aliquam libertatis diminutionem ordo quispiam Reip: patiatur, dispicere: ille Euripum popularis multitudinis in tot affectus identidem assurgentem prudentiâ tenere: ille iudiciorum omnium lites, molestias, contentiones excipere, concoquere, sedare: ille literis supplicatorijs ad Regiam Maiestatem aditum facere; & quibusq; diuersorum hominum postulationibus respondere. Dicam breuiter; Vicecancellarius omnibus debet esse omnia & singulis singularis. Et tamen in illo negotiorum tumultu, nemo asperiores eius vultum accusauit, nemo de aditu difficiliore conquestus est, nemo acerbum responsum accepit, nemo humanitatem, nemo consuetudinem, nemo consilium, nemo deniq; auxiliū requirebat. Regi suo manus, oculus, in omens fuit, Senatoriæ grauitati in signe decus, nobilitati certissimum perfugium. Iuridicundo, aut causarum cognitioni quoties vacauit nihil illi fuit alienius præcipiti sententiâ. Cum enim cor in dextro latere haberet, hoc est, vt historicorum grauissimè vertit, de omnibus bene sentiret; non nisi diligenter pon-

ter ponderatis & examinatis factorum circumstā-
tijs, & rationum momentis, vel ad erigēdum, vel
ad affligendum quempiam extremo verbo, addu-
cebatur. Videres illam ab antiquis confictam iu-
stitiæ laudatissimam imaginem, cuius caput cælo
cōdebatur: reliquum corpus in terrā fuit demersū.
Quidni enim dicam in cælo caput fuisse diuini
huius viri, qui in consiliorū inquisitione, in sen-
tentiarum promulgatione, ipsius Dei præsentissi-
mæ præsentiae cogitatione mouebatur: & ex soli⁹
oculta inspiratione sapientissima proferebat ora-
cula decretorum? Relictus erat in terris dimidius
ille homo, quem aliquando varietas perturbatio-
num solet permiscere: in terris (inquam) fuit reli-
ctus, hoc est, in vilissimi sui ortus & interitus con-
templatione: cumq; intelligeret omnes istas iucū-
ditatum, honorum illecebras mox abituras, solā
benemeritorum conscientia recreabatur. Nec vl-
la esse potuit tāta largitionis machina, quæ in eo
integritatē boni iudicis expugnaret. Quapropter
amantissimus bonorum ciuium Princeps, in om-
nem augendæ dignitatis ipsius occasionem inten-
tus: orbitatem illi Varmiensis Episcopæ cōmen-
dat, opulentissimā & suo sponso honoratissimam

ditionem. Nempe vt reliquam Prussiam zizanijs
falsarum religionū, aut paleis remissiorū Catholi-
corum fælicissimus ei rei Episcopus perpurgaret.
Esse in viro prudentiam, vt sciret, bonitatem vt
vellet, auctoritatem vt posset licentiùs grassantem
audaciam cōprimere aut perdomare. Quid ageret,
qui semel omnibus periculis se pro Christi heredi-
tate deuouerat, quiq; benignissimo Regi in re tam
iusta non obtemperare, sceleris loco ducebat? Iuit
iterum aduersus pestiferæ doctrinæ profemina-
tores, nullum sacrificium gratius Deo ratus tali
pietate. Si enim ethnici patriæ conseruatoribus,
aut amplificatoribus certum ac definitum locum
in cælo assignauerunt: quid nos (inquit) sperare
debemus, qui pro illa cælestis patriæ amplificati-
one, sub vexillo potentissimi, & nostri amantissi-
mi Imperatoris dimicamus? Ipsum illud æterni-
tatis præmium ita virtutis amplitudinem propa-
gauerat, ita accessiōis gratiæ Dei certum reddide-
rat, vt crederet, etiam sedendo irruentes grauissi-
mascalamitates se posse repellere. Neq; huiusmo-
di spe vnquam excidit, qui Reip: curam cum Ec-
clesiæ studio, tam sapienter attemperauerat, vt
cū huius magnam rationem duceret, illam non
negli-

negligeret: quantoq; dignitas Ecclesiastica omni
fulgore sæculari præstâtior est, tanto illius quoq;
grauiolem duxit habendam esse sollicitudinem.
Hic ego non cõmemoro arctiora ieiunia, feruen-
torem orationem, longiores vig ilias, humilita-
tem cum magnitudine animi mirabiliter copula-
tam, susceptam pupillorum curam, sumptus indi-
uersorum Collegiorũ, Academiarum, adolescen-
tes, factos, religiosorum hominum charitatem,
nouâ quotidie sui Episcopi liberalitate recreatam:
& alia innumera beneficentiæ exempla, quibus
fælix Varmia suos pascebat oculos, & quorum il-
le possessionem quasi hereditariam vsq; ad extre-
mum vitæ spiritum sibi reseruauerat. Quamobrẽ
Varmienses nihil optabât ardētius, atq; Tylicianâ
prouidētia cõtineri, illiusq; iucūdissimovultu per-
petuò recreari. At eã voluptatē intercipiebant fre-
quentissima Regni negotia, quibus ille expedien-
dis penes curiam Principis præsens esse debuit.
Grauis illi tum cæpit esse Vicecancellariatus: non
quod publici laboris molestiam defugeret; at quia
suos aspiciebat incredibili sui desiderio fatigari:
quòdq; timeret multum, ne in illâ luporũ viciniâ
ouis aliqua periret, aut inficeretur. Itaq; post redu-

Etum iterū fæliciter è patrio regno SIGISMVNDVM
TERTIVM Dominum nostrum Clementissimū post
expeditam grauioribus negotijs Remp: missionē
petere à curia, fidei Symbolum à Rep: cōmissum
in eius sinum reponere instituit. Cæterum inanis
hæc fuit cogitatio. Rex enim collecto ex diutur-
na fidelissimi comitis consuetudine affectu maio-
ri, statuit eū in proximis habere: vt ex illi⁹ diuite
iudicij penu, salutaria Reip: consilia i ncurrente
necessitate depromeret. Fert occasio Episcopatū
Vladislauiensē proximam primæ in Regno Po-
loniæ, & opum copiā, & honoris splendore, & lo-
ci autoritate sacerdotij dignitatem. Illustrat bo-
nus Princeps suam in virum, & in præclarè de
Rep. merentes, voluntatem. Magno quidem ista
constabant apud eum, qui hæc nondum penitus
spreuerat; TYLICIVS sola meritorum suorum grati-
tudine oblectatus: quasi verò & excellenti bono
paret autoritati Regiæ, obsequitur voluntati Sena-
tus, & reliquum sanguinem, curis iam & solici-
tudinibus grauissimis ferè congelatum, pro pa-
triæ salute, magnâ cum animi sui testificatione
pollicetur. Vnum tantum modò obsecrat, vt sibi
liceat iam ex illo loco in maiorem patriam, vbi
veriores

veriores honores, amplioraq; præmia decernuntur, euolare. Ipſius Eccleſiæ curâ ſuſceptâ ea primum aggreditur, quæ fortes Rozrazouij, Tarnauij, & cæteri huiusmodi viri maximis ſuſceptis laboribus attentârunt. Neque ignorabat pulchrè res magnas ordiri, & impetu quodam ad incrementa contendere multorum eſſe: propoſita verò ad finem deducere, & ſicubi fortuna vel potentû improbitas obſtiterit, ratione, iudicio, conſilio, animi fortitudine, ſuperare paucorû: nihilominus pro ſanctiſſimis Eccleſiæ legibus, pro in flammata in cultum Dei piorum hominum voluntate, auſus eſt potentiſſimos aduerſarios in certamen prouocare. Quod ſi diuina ſapientia, gloriâ hanc non ſeruafſet aliorum laboribus, non eam reliquiſſet inchoatam. Spectatum verò ſatis & probatum, quaſi ſtatuâ tot victorijs nobiliſſimis honoratam in altiore dignitatis gradum erigere decreuerat, vt multò plures haberet ſuarum ad immortalitæ contetionum admiratores. Cùm enim Macieicui⁹ Cardinalis, vir animi innocentia, grauitate, conſtantiâ ſingulari, ſuperato clariſſimorum maiorû ſuorû ſplendore, in Archiepiſcopatum Gneſneſem, hoc eſt in ſummâ honorum amplitudinis in

Polonia gloriam, à diuinarū virtutū maiestate sub
lat⁹ ascenderet; de Episcopo Cracouiense vix in-
cidit mētio, TYLICIV M omnes cogitāt, omnes loquū-
tur, omnes expetunt: quòd nemo ad illam morum
sanctitatem, amorem ciuium, fortitudinem sena-
toriam, Ecclesiæ zelum MACIEIO VII propius ac-
cederet. Factum ita cum summa voluptate Regis,
qui magis in dies splendenti virtuti sui Episcopi,
quotidie maioribus honoribus optabat gratulari.
Quid? non satis iam gloriæ vixerat, non iustum
pro suis in Remp: meritis acceperat præmium?
non Episcopatus Cuiaviensis satis commodus, aut
illustris ad amplificandam Reip: dignitatē? Satis
quidem; at quantumuis aliquid amplum sit, id cer-
te parum est, si quid est amplius. Quid verò am-
plius poterat cogitare animus tam pius, tam grat⁹:
atq; illum locum splendidissimo suæ dignitatis
lumine illustrare, qui adolescentem liberaliter e-
ducauit, qui Presbyterum primā sacerdotij splendi-
dioris dignitate ornauit? Obuersabantur animo
illius cū gratissima recordatione educatores, atq;
doctores sui in Academia Cracouiensi, domus illæ
sanctissimæ, in quibus olim altus, educatus, doct⁹
est: suavis erat memoria illius temporis, cum in
Eccle.

Ecclesiam primariam, Diuo S^TANISLAO Martyre
celebrem, surculus infereretur: veniebant in men-
tem viri admirabiles, quorū ille consuetudine iu-
cundissima in eodem Collegio fruebatur. Quod si
Deo religionem, parentibus pietatem, benemeritis
gratiam & memorem animum, iustis honoribus,
& honestis officijs persolvere boni ciuis est: si vel-
le ibi cum gratitudine mori, vbi verè natus sis, in
quadam fælicitatis parte numeratur: quanta laus
huic viro debetur, qui reliquam ætatem inclinatā
non commoditatibus, non ocio cum dignitate, sed
negotio, sed labori glorioso destinavit; modò illā
voluntatem gratam, atq; suæ pietatis studium, in
eos quos ita amauit, insigni aliquo testimonio de-
clararet. Accipit ergo Ecclesia Episcopū, quē olim
dimiserat Canonicum; salutat Academia Cancel-
larium, cuius iam liberalitatem, & patrocinium
in grauissimis difficultatibus fidelissimum agno-
uerat: Nobilitas vniuersa magno cum splendore
occurrit Pastori, atq; suis humeris, suum illum Vi-
cecancelarium infert vrbi, cathedræ cum honore
imponit. Quid me necesse est repetere quib⁹ in Epi-
scopatu Cracouiensi luminibus, quauè gloriæ pul-
chritudine resplenduit? Vt enim sol ingressus in
Leonis

Leonis signum, maximè suos radios explicat, caloreq; vehementiori incendit omnia; ita ille in sublimiore dignitatis fastigio positus, multò maiores virtutis fruct⁹ edere; multoq; clariorib⁹ factis illuminare cæpit Dioecesim Cracouiensem: sanè priora illa quæ incredibilem excitârant omniū admirationem, obscurabantur. Quanta in comitijs dicendi pro integritate Reipub. libertas! quanta in senatu grauitas imò reuerentia! cum velut Græcorum Nestor, aut Romanorum Arpinas, melle dulciorem, & ipsa sapientia sapientiores funderet orationem! Non Principis maiestas, non Collegarum amplitudo, non Tribunorum potentia turpe putauit in vni⁹ hominis inclinare sententiâ, quem sciebat vehemēter amare bonū commune & singulari præstare iudicio. Eo præsentē nullus in ordinem senatorium licentię fuit locus, nullus inquietis aut turbulentis hominibus aditus, omnium operarum molitionumq; occultarū facultas præcludebatur. Quid enim tentaret improbitas, vel audaciâ eo audiēte, cuius iudicij splendor vix eborientes tumultuum nubeculas præuidere, & anteuertere, ciuium procellas aut tempestates populares, scienter componere didicerat: quiq; sui corporis ruina conseruati

seruationem Reipub: dignitatisq; consularis autoritatem, bene emi credebat. Non illum ab innocentiae defensione improbitatis vis, non à iustitiae vindicatione impietatis furor; non ab oppressorū leuatione, licentiae insolentia reprimebat. Quoties frustra infremuit prauitas heretica, elusi factiosorum hominum conatus, praecepte consilio insidiæ, cōpressa animi magnitudine audacia? Quam obrem Regi gratissimus, ordini suo charus, nobilitati bonarum partium studiosæ, vt verus Pater Patriæ, omni veneratione colendus extitit. Iam in Ecclesia Episcopus, quā integritate vitæ, morū comitate, prudētia? quàm deniq; augustiori virtutum choro emicuerit, quàm artificiose, quàm iucundè summa humanitas cum seueritate summa coiuerint? Dicebant multi: non abijisse à Cathedra Cracouiensi Macieiouj facilitatem: multi bonitate illius superati, relictis profligatae vitæ necessitatibus, ad eum imitandum totos se composuerunt: multi intelligentiæ perspicaciam non audentes prouocare, excubias, & diligentiam acrem timuerunt. Qui enim annus fuit, quo vel ipse urbem, vicos, oppida, ciuitates non circum iret, vel pietate, & doctrinā insignes viros mitteret, qui alios

seis cohortationibus tenerent in officio, alios consilijs sapientissimis ad propriam vitæ stationem reuocarent! Quid illa fulmina ab Ecclesiæ potestate proiecta? quid gladius ille Petri in media luce hominum districtus agebat, cui⁹ latus aut caput illa generosæ mentis acies in proiectissima perditissimorum hominum insolentia petebat, pro cui⁹ honore, pro cuius dignitate, religione, aris, focis, tanta dimicabat contentione? Dignus qui ob vultus maiestatem & reuerentiam non illi multorum millium interfectori Iulio; sed suo Patrono ardentissimo iustitiæ propugnatori Diuo Stanislao, aut fortissimo Antistiti Zbigneo conferretur: qui interrito, & constanti animo pedum boni pastoris gestare sciuerat. Eius iudicio debet augustissimum Cracouiens: Ecclesiæ Collegium, hunc ordinē pulcherrimum, hæc propugnacula, & ornamenta virorum, quorum singulos, ob generis, vitæ, sapientiæ lumen; infulâ & curru senatorio dignissimos iudicaueris: ei acceptos refert Diocesis tot eruditos, graues, modestos Ecclesiarum præpositos, tot sacerdotes pios, & suæ vocationis diligentissimos observatores. Petrum suum loquetur ingentis magnitudinis fusa ex argento & in Ecclesia patronorū Regni collocata

collocata Petri Apostoli statua: parietes interiùs
& exterius, iam picturis, iam peristromatibus pre-
ciosissimis exornati, pomeria ex quadrato lapide
erecta, basilicę dotatę, plenę fornices, plena alta-
ria, arte laborata, & Salomonco templo dignissima
suppellectili, cultu, vestitu, & quę diuino officio,
cum quadam maiestate celebrando sunt accomo-
data. Quem affectum in honorem Dei per plures
locos testatus est insignibus testimonijs: nempe vt
supremus in aliqua domo paterfamilias abiturus
in longinquam regionem, in liberorum, propin-
quorum, familięq; vniuersę animos infigit pro-
fundicrem sui memoriam: ita TYLICIVS magnus
in hac vrbe quę est istius Regni præcipua, sacer-
dos post tot honorificentissima donaria Principi-
bus, collegis, familiaribus, amicis, relictā, ferè in
omnibus primarijs Cathedris, tanquam suis cogna-
tis singularia nominis sui monumenta deposuit.
Narratur plures certasse vrbes de ortu Homeri, ob
ingenij diuini præstantiam; cur non magis verifi-
mile contentiones facturās, in ornanda TYLICIBE-
neficientia præstantissimas Dioceses? Dicet eni m
Gnezna suū; Poshania suum: Culma, Varmia, quid
non facient? Mitto Lenciciam, Præmisliam, &

alia illustrium sacerdotum collegia, quæ omnia ostentant pignus amoris TYLICIANI. Quid superbis Koualium templi magnificentia, turrium celsitudine, propugnaculorū munitione? quid reditu amplo superbis, opes tui benefactoris iactas? nutricem te potius dixeris non coniugem, aut sponsam Tylicianam. Quis explicaret in pupillos & omnis generis pauperes indefessum beneficentiæ studium? Visitatum fuit singulis annis in eam rem duodecim millia florenorum effundere: nec tamen incurrens necessitas, aut aliorum calamitas, ab illius bonitatis perfugio frustra dimittebatur. Hic conditi fuerant sumptus templorum erigendorum, reficiendorum, vindicandorum; hic apertū penu religiosorum ferè omniū, hic mensa instructa pauperum clericorum: utq; Cimonis liberalitas quemuis Laconem parato obsonio; sic TYLICH animus ab omni sorde, & angustia alienissimus, omnes indigentes certissimo auxilio excipiebat. Academici ingenij in petendo verecundiam, cum sciret suo incommodo esse modestiorem, prudentissimè nostrā necessitatem solebat antevertere. Ipsa ruentium auditoriorum fama supplicabat satis, ipsi parietes Collegiorum inclinati ferendam sibi opem egregiè

giè persuadebant. Contubernio pauperum studio-
rum antiquæ illi Ithacæ, asperæ quidem & in sa-
xis inopiæ pendēti, viris tamen non infæcundæ;
ille, vt ex vastissimis ruderibus quàm primum af-
surgeret, promptam & fortem manum porrexit,
vitamq; suæ olim altrici charissimæ, à qua olim
vitam acceperat, magno cū fēnore reddidit. Quod
si parem voluntatis memoris significationē plu-
res eiusdem domus antiqui alumni imitarētur, qui
hodie & in Ecclesia, & in Regno pulchrè splen-
dent, iam diu paupertatis ingratum isti sēculo
nomen amisisset: Vnus TYLICIVS post. Annæ Ia-
gielloniæ Diuæ Poloncrū Reginae propriam san-
ctissimis Iagiellonib⁹ in suam Academiam, omniq;
sæculum memoria prædicandam liberalitatem,
testatus est posteritati: quo animi affectu fuerit in
suum illud vetus hospicium, in quod fæliciter di-
uerterat: vt hæc, quibus tam bene profuerat omni-
bus, præsidia mercaretur? Nam & viuus nullam
propagandi sui nominis dimittebat occasionem;
& mortuus, ne quis à se desideraret grati animi
m. numentū, honestissimi eiusq; perpetui effecit
census donatione. Quæ autem de ipsa Academia
cogitatio? quod consilium: hūc omnes opes anti-

quæ & recentes, hûc omnis industria directâ, vt
quod magni Radiuili, Macieiouiij, Rozrazouiij pul-
chrè cogitauerant: ille sæliciter, ac gloriôsè exe-
queretur. Istis auribus haufim⁹ & arripuimus illud
pondus verborum in aliquo adamante ad immor-
talitatem sculpendum: VELLE MCHARIS-
SIMAM MATREM MEAM ACADE-
MIAM CRACOVIENSEM, GALLI-
ARVM HISPANIARVM, ITALO-
RV M, ACADEMIIS, & SI QVID EST
APVD EXOTICOS IN SAPIENTIA
SPLENDIDVM, PAREM FACE-
RE: VT CIVES MEIDOMI HABE-
RENT, QVOD TANTO SVMP TV;
TAM FREQVENTIVITÆ PERICV-
LO FORIS EMVNT. O propriam Episco-
picuram! O seriam boni Senatoris cogitationem!
O ciuis patriæ amantissimi sanctissimam pieta-
tem! O natam, aut potiùs cœlo demissam Acade-
miæ fortunam! Vtinam ingredientem ad nos diui-
ni luminis radium, subitò exoriens turbo non auer-
tisset. Heu quantum regno huic ornamentum abiijt.
Successère mox grauissimarum tempestatum pro-
cellæ ab illis portentis & funeribus patriæ conci-

tatæ

tatæ, quæ in fortunas, patrimonía publica, priuata,
in lachrimas deniq; & sanguinem pauperum sce-
leratissimâ se cōstrinxerant religione, cum sum-
ma generis Poloniæ labe & ignominia. Neq; licu-
it perturbatâ Rep: illoq; strepitu, & suspiciōe pe-
riculosissimi tumultus dominante, de pacis alum-
nis quicquam statuere. Sedatis aliquantum fluctib⁹,
respirante ciuitate, veritus ne iterum aliqua tem-
porum iniquitas vel partem aliquam suarum cogi-
tationum dissiparet, præfert hæc post Academiã con-
ditam vnum singulare omniq; ætati alendum bene-
ficiū. Cuius ego laudator designat⁹, cuperem ita
contentâ voce proclamare, vt exaudiret ab omni-
bus clarissimi huius imperij prouincijs: aut ita diui-
ti orationis copia affluere, vt illi⁹ maiestatis & ma-
gnitudinis vel extrema attingerem. Emittere hîc
esset beatissimus aliquis eloquentiæ fluuius; vt viri
tanti altissima æternitatis spacia cōtemplantē ani-
mum pari exequaret plenitudine. Quæ enim cogi-
tari potest illustrior beneficij amplitudo, atq; ea
donare, quæ cū omnium seruiant vtilitati; nun-
quam tamen à suis possessoribus auferuntur. Faci-
le perditur pecunia, deflorescunt honores, excidunt
cōsilia, diffuuntur amicitie; sola virtus, sapientiâ;

& eorum vſus, firma, ſtabiliaq; cenſentur. Perierit
ergo pecunia, quam ille frequentiffimè in vſum
Reip: tum Regi ſuo, tum bellatoribus fortiffimis
offerebat promptiffimus: at memoriam præclari
nominis ſempiternā nulla ætas eſt abolitura. Quan
quam illam pecuniam nemo exiſtimat periſſe, quæ
pauperum manibus, afflictorum ſuſpiriis in con
ſpectum Dei ſublata eſt: qua paſti, veſtiti, recreati,
vel potius paſtus, veſtitus, recreatus eſt in eis Chri
ſtus. Cæterum videte, quanto veri honoris deſi
derio flagrauerit, quamq; ſapienter accenderit quæ
que generoſum, virorum ſummorum imitandi ſtu
dio. Ardebat ipſe cupiditate incredibili, relin
quendi vitæ in Rep. laudabiliter actæ testimoni
um: non ignarus, clarorum virorum ocij, & nego
cij rationem extare debere. Vidit quàm facilè abe
at hæc ex quibuſq; ſplendidiffimis meritis compa
rata gloria: quamuis enim non effugiat illius ocu
lū, & pondus, qui ex altiffimo cœli vertice omnia
noſtra perſpicit: alios tamen ad aggredienda ſimi
lia non exſtimulat. Quid ille egit? Sum (inquit)
Epifcopus, ſum & Senator, in opibus honeſtiſſi
mis per diuinam clementiam, & Reip. volunta
tem conſtitutus: vtriq; gratia eſt referenda. Et cū
chari-

charitate & misericordia nihil esse prius debeat sacerdoti; habeat Nosocomium Cracouiense nouem millia, vt viri pij, & religiosi, etiam me hinc abeunte oleum misericordiae nunquam deficiens in aegrotorum calamitatem infundant. Pulcherrimum sanè gloriae solide principium in perpetuo benefaciendi desiderio extructum: digna principe, digna sacerdote deliberatio: velle viuens, & moriens non in propinquorum dignitatem, non in superbos luxus, aut vanissimorum monumentorum admirationem: sed in miseros, afflictos, vexatos, voluntatem testari propensissimam. Iam verò senatui prospiciendum est de futuro Reip: statu, quem cupio esse semper florentissimum: non enim verè amat, qui non semper amat, Quoniam verò constat, consilio, sapientia, rerum maximarum tractatione, bonisq; artibus res admirabiles in vrbibus geri; his praesidijs diligenter instructam esse vellem hanc urbem & hanc generosam nostrorum ciuium segetem. Quippe optimarum disciplinarum cultus, & sapientiae studium vbi floruerit, opes, honores, virtutes, omnem deniq; faelicitatem ibi florere necesse est: is mihi ad honorum gradus erat aditus, eundem puto iuuentuti nostrae aptissimum. Cracouienses

uicēſes præceptores primū timore Dei me imbue-
runt, mores compoſuerunt, exemplis, & admoni-
tionibus efficaciffimis ad omnem me honeſtatem
excitauerunt. Neq; me pænituīt vnquam huc defle-
xiſſe, & Grebſciorum, Mareniorum, Gorſciorum,
aliorumq; inſignium profeſſorum lateri adheſiſſe:
nam & miles in acie, & ſacerdos in Eccleſia, & Con-
ſul in ſenatu eas literas, quæ ad humanitatem in-
formare ſolent, in omnem vitæ meæ uſum traxi.
Non ego puto audiendos, qui nobilem hanc diſci-
plinam, vel puerilem, vel inanem, aut inſidiatri-
cem uocitant. Adoleſcentum quidem ſunt præce-
pta, uſus autem uirorum, eorumq; præſtantiffimo-
rum proprius: neq; in perniciem alterius dicere, eſt
rectè dicere. At ſi quid eſt in me iudicij, fideliffi-
mam hanc uoco Eccleſiæ adminiſtram, Reip: re-
ginam, ſcientiarum omnium ornamentum: hac
libertatem nutriri, dignitatem noſtræ gentis illu-
ſtrari uehementer optarem. Ecce & quantum poſ-
ſum, poſt abeuntem calamitoſi temporis aſperita-
tem, iuuo: inſero nouum in Academia Cracoui-
enſi ſurculum, emo decem millibus profeſſorem Elo-
quentiæ, qui mea uoce loquatur ad iuuentutem,
qui q; nouas quotidie ſubmittat copias Eccleſiæ &

ciuitati;

ciuitati: ipse dum adhuc lāguentem spiritum tra-
ho, hoc suauissimæ parenti offero, vt sit hæc velu-
ti perpetuum meæ in illam pietatis & obseruan-
tiæ documentum: accipite, tollite, & vt quam-
primum hunc meum doctorem audiam, efficite.
Quis hîc vel nō stupet præ munificentia, vel præ in-
genti lætitiâ non soluitur in lachrymas? Solusne
fuiſti optime TYLICI in eâ dignitatis altitudine
collocatus, qui vbera huius matris suxeras? solus
boni Academici promotorem in illustri fortuna
te memineras? Quid? non suffecere tot labores su-
scepti, tot curæ superatæ, tot factæ contentio-
nes, tot sumptus effusi pro integritate & ornamē-
tis Academiae conseruandis: quorum minimum
periculum maximo tuo periculo auertere paratus
fuiſti? Date veniam Iurisperitorum consultissi-
mi, & tu, ex cuius hi bibunt fonte ad vitam formā-
dam instituta, Philosophia, si dixerō TYLICIVM
viciſſe pietate, beneficia parentis. Nam si Reges
magnis summâcolimus veneratione, quod ab iis
vitæ istius honestioris ratio, fortunæque nobis ali-
quæ venerint: si principum in Repub: viroꝝ gra-
tiam seruamus in mente, quorum beneficio & hæc
tenemus, & cæteris aucti sumus: si ex nobilitate

Illustrium virorum gratam erga maiores nostros
voluntatem in quibusdam monumentis splendidi-
oribus admiramur: si eorum denique auctoritatem
reueremur, quorum iudiciis & auspiciis in hac vr-
be amplissima, & in hac Poloniae luce collocati
sumus: immensum quiddam est, quod TYLICIO de-
bem⁹, cui⁹ prouidentia & sapientia, hæc omnia re-
cuperauim⁹, & alia illustriora accepimus. Hoc ni-
mirum specimen, hoc indicium animi, hoc lumē
sui Cancellariatus esse putauit Cracouiensis Epi-
scop⁹ TYLICIVS; si Academię multo maiora, quàm
acceperat reddidisset. Condatur hoc iā cum sarco-
phago, ACADEMIÆ SE QUID QUID ES-
SET DEBERE: hoc verò viuat & regnet in o-
mnibus statuis, tabulis, imaginibus, scribatur, no-
tetur, exprimatur: TYLICIVM EPISCO-
PVM CRACOVIENSEM FVISSE
SEMPER PATRONVM, CONSER-
VATOREM, PROTECTOREM, AM-
PLIFICATOREM DIGNITATIS A-
CADEMICÆ. Satin⁹ fuisse? etiam fore perpe-
tuum. Tanti enim æstimamus vel hoc vnum in-
staurati eloquentiæ studij beneficium, vt per illud
solum immortalitatem quandam consecuta vide-
atur.

atur. Videre iam videor viros patientiâ animi & corporis confirmatos, ingenij, & doctrinæ opibus instructos, qui laudatissimorum suorum progenitorum, & suam ipsorum matrem optimis studijs, & honestissimis moribus commendabunt, & ad pristinum splenderem honoris, famæ, dignitatis in foro, Senatu, Comitijs, omni denique loco vindicabunt: atque vbi in subsellia maiorum suorum in loca honoratissima magnis virtutibus subnixi ascenderint, gratiâ & beneuolentiâ fouebunt, testimonijs amplissimis ornabunt, & ijs demum, qui ex se nascentur, cum sanguine statim amorem suæ educatricis transmittent. Atq; sic diuina sapientia TYLICHII cum magno coniuncta animo, perpetuâ sæculorum serie celebrabitur, nobiscum versabitur: illam Deo fauente in iudicijs personantem, in Academia frequentibus auditoribus concionantem, illam pro innocentia pugnare, de cōmuni bono differeere, voce pastorum pestifera religionis monstra territare, virtutes inferere, vitia extirpare, in ciuium consuetudine vigere, amicitias colligere, illam denique in multorum vocib⁹, linguis, sermonibus, animis, actionibus, cum immortali sui conditoris gloria, viuere aspiciemus,

audiemus, mirabimur. Nec mirum immortalem illius fore vitam, quæ à tanto animi splendore nata est. Quis enim ita mentis cogitatione penetrauit maximam huius nostræ Reipub: necessitatem? quis tam prudenter imitatus est ingenium gentis Polonorum? Libertate illa à multo tempore gloriatur; eius studij cultum induxit TYLICIVS, quâ excitari, augeri, conseruari, splendere libertas potuit. Hæc enim vna è maximis disciplinis est, posse dicendo tenere hominū cætus, mentes allicere, voluntates quò velis impellere, vnde velis deducere: hæc, inquam, vna in omni libero populo, maximeq; in pacatis tranquilliq; ciuitatibus præcipuè semper floruit, semperq; dominata est. In nostra verò patria, quid ita vtile aut splendidum, vbi legum æqualitas vniuscuiusque virtuti campū aperit ad summos honorum gradus consequendos? Vt enim inter homines eiusdem naturæ, præstantiorem esse oportet, quem maiori reuerentiâ dignum iudicamus; sic in nobilitate paris ordinis & libertatis multò excellentior is esse creditur, cui in clarâ hominum luce, honoris præstantia fuerit attributa. At quo ita dignitatis tuæ splendor, Regis illustriumq; virorum iudicia feriet; si non eloquentiæ di-

tiæ dicendiq; facultate? cuius propriæ sunt artes,
fidem & existimationem conciliare, in Regum sa-
pientissimorum beneuolentiam interioremq; cō-
suetudinē influere, quoque fueris in orationis ap-
paratu copiosior, eò & gerendis maximis dignita-
tibus aptior. Tanta enim est admiratio copiosè,
sapienterque dicentis, quem qui audiat, intellige-
re etiam, & sapere plus quàm cæteros arbitratur;
neq; vllum existimat honorem esse tantum, quo il-
le veluti cælitus in salutē hominum demissus pro
dignitate possit exornari. Quid enim est tam ad-
mirabile (vt inquit orator) aut tam iucundū, quàm
sapientibus sententijs, grauibuscq; verbis ornata, at-
que polita oratio? quid tam potens tamq; magni-
ficum, quàm populi motus, iudicum religiones,
Senatus grauitatem, vnius oratione conuerti? quid
denique adeò regium, aut liberale, quàm opem fer-
re supplicibus, excitare afflictos, dare salutem, li-
berare periculis? Huius præstantiæ viri, quoties
apud nos enituerūt, qui vehementiori dicendi vi
sediciosorum hominum impetus, aut conatus re-
primere, qui authoritate, qui fide, qui iustitiâ, ma-
gnitudine animi, consilijs multitudinem tenere
potuerunt: ij graues, ij principes, ii duces, ii auto-
res em-

res omnis dignitatis atq; imperii habiti sunt. Numeremus Orichouios, Herburtos, Karncouios, Myscouios, Patricios, Solicouios, Macieiouios, Melecios, Zamoscios, & cæteros viros clarissimos, quorum diuina oratio non cõtenta finibus patriis, etiam inclarissimis exterorum regionibus regnat, in magnamq; opinionem excellentiæ regnũ hoc florentissimum vindicat. Nempe liberorum hæc fuit semper propria possessio; in oppressis à seruitute ingeniis, nunquam suum lumen ostendit. Si quæ enim scyntilla generosioris animi, si quod honestioris istius disciplinæ signum se prodidit; simul aspectum & extinctum vel obscuratum fuit. Sublato enim virtuti ad gloriã stimulo: crescere ad gloriam vbertas orationis non potest. Quorsum prodest disertum, aut eloquentem esse, si quod sentias liberè, & cum dignitate, non licet eloqui. Nostriis verò ciuib; cum simul cum libertatis studio, innascatur ad cultiorem doctrinam quædam amabilis propensio, eaque sit Reipub: forma, vt cuiq; ex actionib⁹ honestis liceat celebritatem nominis colligere, hunc ingenuum, hunc indole præditum, hunc suorum claritate non indginum conclamant omnes, qui in familiari sermone, venustum, & ingeniosum

geniosum quid ex antiquitatis notitia deprompserit, cuius docta ratio & admirabilis oratio in frequentioribus conuentibus autoritatem sibi fecerit. Adhucné dubitamus TYLICIANVM hæc ad posteritatem monumentum, à magno sapientissimi & amantissimi patriæ ciuis animo conditum esse? Nam si non murus, arces, propugnacula, vrbium aut Rerumpublicarum nomina tenent, verùm ipsi ciues viri fortissimi: cogitate quanta mentis altitudo, quàm præclara in patriam voluntas prodijt huius viri, qui ne aliquando hæc materia commoda cinitati nostræ deesset, tātā curā & prouidentia prouidit. Neq; enim Grammaticæ, Dialecticæ aut Rhetoricæ præceptis (vt nōnulli faciunt) concludi existimauit perfectionem eloquentiæ; sed cum magno semper oratore sensit: Nostra (inquiens) est omnis ista doctrine prudentiæq; professio, in quam homines quasi vacuum abundantes ocio, nobis occupatis inuolauerūt. Rhetorum est officium de iustitia, de ciuitatibus instituendis & regendis, de omni viuendi ratione, deniq; de abditissimis etiam naturæ causis differe-
re. Quò magis miror, potuisse venire in mentem summis quibusdam nostro sæculo ingenijs, literas

humanitatis præparare, solummodo ad maiores disciplinas: in his enim ars illa continetur, quæ erudito, ingenuo, & eo, qui in Rep: velit excellere digna est: quæq; rerum omnium, quæcunq; in vitam cadere possunt, præceptionem & vsum habet. Ideo ridiculi sunt multum, qui studium humanitatis se iam percurrisse & confecisse inconsideratè loquuntur. Scilicet versiculum concinnè, aut epistolam non ineleganter, vel oratiunculam eum aliquo apparatu scribere aut proferre, est vel mediocriter disertum. Erras nimium; nisi còctas quosque præstantissimos, oratores grauißimos, historicos disertissimos pellexeris, & nisi scribere aut dicere, quotidie maius esse tuis humeris iudicaueris. Quò enim, quis magis in hoc studio proficit, cò scribendi & dicendi labor grauior esse videtur. Nempe vt excellentes pictores, qui soli benè iudicant, in quo sita sit imaginum perfectio, maiori quiete, diuturniori meditatione, pertinaciori labore opus habent: sic qui orationis illud decorum optimè tenent, tantò magis & in dicendo exalbescent, & in exercitationis studio, cogitatione se fatigant. Scribendi enim rectè non principium, & fons (vt quidam dixit) sed argumentum est consummate

summatae sapientiae. Quam cupere multis in hoc Regno parentibus eum errorem eripere, qui leuem triuij cognitionem, in magna satis eruditionis opinione numerant. Nonne vestrae sunt partes, o viri nobiles, in Rep: de reb⁹ maximis cum dignitate deliberare? non vobis incūbit leges ferre, latas conseruare? de bello, de pace decernere, legationes gloriosas obire? & hoc ex leuissimis Grammaticorum praeceptiunculis haurietis? audite iudicium huius magni Episcopi, intueamini exemplum: Bono Ciui (dicebat ille) quandoquidem in luce elegantiorum hominum versatur, quaecunq; in vitam veniunt, quæ sita, audita, lecta, disputata, tractata esse debent. Præiuit exemplo: vidim⁹ enim in illum ornādum omnes præclaras scientias, omnes istas literas ciuiles conspirauisse: quid ille in Cicerone non vidit? quid in Demosthene non legit? quid in Plutarcho, Xenophonte, Liuiο, Tacito, quid in vtroq; Seneca, & alijs quibusq; lectissimis autoribus non annotauit, memoriæ non consignauit, vsu non confirmauit? Omnino omnia eum legisse oportebat, qui aliquando iucundissimos cum eo sermones de bonis literis facere voluit. Ecce qui omnium vestrum filios, vt proprios ama-

G ij

uit pro-

uit propter Remp. videre quibus studijs, artibus;
exercitijs instructos cupiat ad honores gerēdos ac-
cedere. Fatebitur iam non nemo præclare de Re-
pub: meritum hac sapienti liberalitate optimum
hunc Senatorem: at fortè è medijs Academiæ spa-
cijs prorumpit nouus aliquis disputator: De Rep:
inquiens, concedo: at de Academia, vbi non tan-
tus est vsus vestræ istius delicatæ orationis, nego.
Nouam petis arenam, vir bone; sed ego ex eodem
theatro rem expedio: neq; enim litem ex litibus se-
tere conuenit eum, qui studia sanandorum & pa-
candorum animorum profitetur. Esto, vt dicis:
Si te Academicum ex illa veterum, aut recentio-
rum Academia prodis: si Scholæ huius inclitæ
ciuem te esse iactas, mecum te oportet sentire. Non-
né sanctissimi Reges ad Rempublicam iuuan-
dam & amplificandam nos acciuerunt? nonne
poliendos, formandos, & vndiquaque ornandos
nouos istos ciues nobis commiserunt? Si ita est, vt
dubitare non potes, profectò indecorum erit no-
stris solummodo literulis, aut commoditatibus in-
dulgere: communis boni, quod nostræ fidei auto-
ritas Pontificum, & Regum benignitas, Senato-
rum amplitudo credidit, obliuisci. Imò si sapim⁹,
liberali-

liberalitate TYLICHI orbis Academici dignita-
tem illustriorem factam esse contitebimur. Cuius
enim scientiæ, non singulare quoddam ornamen-
tum adijcit eloquentia? Philosophia tum demum
regnare, libertateq; suâ frui dicitur, vbi detersâ
barbarië, sublatâ obscuritate, in generosas discenti-
um animas, simul cum quadâ facilitatis voluptate
influxerit: nihil enim præclaro isti Dei immorta-
lis dono, tam inimicum, vt fordida, & lutulenta
oratio. Vultures quidem foetoribus delectantur,
odorem fugiunt; at auium nobiliores, elegantissi-
ma & fragrantissima quæq; pabula petunt. Fortè
legum periti istas verborum quisquiliâs recipiēt?
minimè verò: hi enim vt sunt magno & excelso a-
nimo, turpe putant cultu dictionis neglecto, splē-
dorem vitæ politicum appetere. At saltem Theo-
logi hanc loquendi sollicitam curam contemnent,
quorū est maximè, res serias tractare, vt quæ æter-
nitatis momentum respiciunt? Sed neq; hæc no-
bilissima facultas sui argumenti maiestatem, vult
foeculentâ sermonis immunditie contaminare:
imò cum suum esse mun⁹ iudicet pro religione pu-
gnare, ad virtutes cohortari, à vitijs abstertere: re-
rum vbertate, orationis copiâ, tenendorum ani-

morum peritiâ, eloquentiæ denique ministerio,
vitam, decusq; suum omne creuisse libenter con-
fitemur. Video adhuc scholasticorum subtilitatem
quosdam obtrudere, quasi solâ contemplationis
pulchritudine contenti, nostram hanc dicendi ar-
tem nihili faciant. Hospes es in antiquitatis co-
gnitione, si ignoras scholasticorum præstantiam
ex Rhetorum officinis prodijisse: quære ex Tacito,
consule Senecam, audi Plinium, & quem ego in-
star multorum pono Hieronymum, Hierisontem
illum Ethnicæ & sacræ disciplinæ; is te proculdu-
bio docebit: disertissimum quemque ob ingenij
elegantiam & vberioris doctrinæ laudem, appel-
latum fuisse Scholasticum. Dicent & alij: Scho-
lasticè dicere nihil esse, quàm rem aliquam orato-
riâ methodo explicare. Qui ergo sit splendor cu-
iusq; scientiæ, detractâ dicendi facultate, vides:
Aristotele nemo doctior, nemo acutior, nemo in
rebus vel inveniendis, vel iudicandis acrior exti-
tit; hic tamen omnium ætatum consensu, omni-
um eruditorum autoritate, aureus eloquentiæ flu-
uius, summo ingenio, scientiâ, copiâ fuisse perhi-
betur. Plato Philosophorum quoque Princeps,
princeps ingenio, princeps occultissimarum arti-

um cognitione, idem simul grauitate dicendi, & in rebus ciuilibus prudēter sapiendi princeps. Cuius neruos, copiam, splendorem, expressit præstantissimus apud Græcos orator discipulus illius Demosthenes. In iure ciuili, si quis diligentius contempletur Iustinianos, Trebonianos, Theophilus, Papirios, & illam frequentissimā excellentissimorum virorum coronam, ibi primū crediderit ortam fuisse orationis dignitatem, ibi educatum & consummatum; quidquid in hoc nostræ dictionis cultu splendet pulcherrimū: Quemcūq; enim horum acceperis, in dubio est animus, elegantissimus an eloquentissimus sit iudicandus. Ipsi illi, qui omnia voluptatum lenocinia vt stercora conculcant, omnemque istum exteriorem corporis ornatum abiiciunt, ita in omni dicendi genere regnant, vt quiduis potius eis, quàm sermōnem aut exultæ orationis gloriam detraxeris. Quis purior Gregorio? quis Augustino acrior? quis Basilio ingeniosior? quis denique illo rege Oratorum, quotquot erunt aut fuerunt, scientior, vehementior, admirabilior; illo (inquam) Ioanne Antiocheno verè apud omne sæculum appellato Chrysostomo? Viderunt hoc nostræ ætatis eruditi, & quasi
puderet

puderet paternarum sordium, totos se ad vindicā-
dam orationis dignitatem conuerterūt. Habemus
illorum beneficio, non illam modò de moribus,
sed hanc quoque admirabilium causarum veteri
splendori restitutam Philosophiam. Inde Contare-
ni, Vicomercati, Scaligeri, Fonsece prodierunt:
inde in iudiciorum subselliis, Imperatorum palati-
is, scholarum exedris, Alciati, Cuiatii, Gipha-
nii, Mureti apparuerunt: denique Soti, Banesii,
Bellarmini, Suaresij, & eiusdem ordinis alii viri
diuini, quorum pietatem & sapientiam vterque or-
bis terrarum admiratur. Quis ergo ibit inficias hoc
artium humaniorum æquor, vltra Orientis & Oc-
cidentis terminos, vltra ipsius cœli plagas impe-
rium extendisse; si res illæ cœlestes à natura & gra-
tia mirificè conditæ, in quibus cognoscendis ipsa
cognitionis acies hebetatur, tantâ cum facilitate &
grauitate explicantur? Eant igitur qui amplissi-
mis Regnis, aut maximis imperiis erectis, in pote-
statem redactis, aut expugnatis gloriantur; si fru-
stra erigas, constituas, aut potentiâ tuâ perdomes
ferocem populum, nisi ab eloquentiæ studio, fi-
dem colere, iustitiam retinere, aliis æquo animo
parere, labores pro communi vtilitate suscipere,
pro gloria

pro gloria publica dimicare, dulce ac decorum didicerint. Quorum bonorum præstantia, cum auctori TYLICIO sit referenda, cur non congratulamur summæ ipsius virtuti, quæ iam tulit, & fert quotidie meritorum suorum fructus amplissimos? Cur non inter summos viros imaginem illius collocamus, patrem patriæ scribimus? Cur denique illustrium Episcoporum gloriam, quæ maximè suâ putat interesse; Academiam pulcherrimis disciplinis reddere florentissimam, nō appellabim⁹? Tu verò maximè generosissima Polonorum soboles in venerationem tanti beneficii totam te effundere, tota in admiratione maximarum virtutum consistere debes. Omnes enim vitæ gradus, omnes actionum laudatissimarum cursus, ut aliorum præstantissimorum virorum; ita huius optimi Senatoris, tua sunt propria exempla, tuæque consecrata imitationi; ut ex his corporum & animorum dignitatibus, edas aliquando boni civis pulchrè surgentem imaginem: quæ post gloriosos in terris labores, rectissimâ in cœlum viâ ascendat, atque suorum factorum iustissimo præmio iucundissimè perfruatur. Quæris quæ sit ista? Tenere animum

in officio, ne rem diuinam corpori tuo inclusam,
vbivbi es aliquâ vitiorum labe conspergas: putare
te in conspectu supremi iudicis semper esse, qui ali-
quando facturus est tecum strictissimam de singu-
lis factorum tuorum momentis rationem: literas
diligentiùs colere, & rationi poliendæ, historiæ
cognoscendæ vacare: sapientum de moribus præ-
cepta in vita ostendere: post honorem Dei ad di-
gnitatem referre omnia: illum demû cogitare esse
rectissimum Politix vsum, qui diuinæ rationi ma-
ximè fuerit consentaneus. En ad eam rem penes me
arma, & præsidia ponuntur: autoritas est eorum,
qui hoc iucundissimo aspectu te recreârunt. Ne-
que arroganter de me quidquam dictum velim:
non enim existimaui vnquam in pectore meo tan-
tùm literarum, virtutis, exemplorum situm esse,
vt tuæ necessitati sufficeret: illorum fidei factæ
confido, qui mihi sponfionem affuturæ gratiæ
diuinæ fecerunt. Enimuero licet ego tantorum
donorum sim indignus; digna tamen erit ista ani-
morum tuorum indoles, per quam plurima quæ-
que & maxima Dei beneficia in Ecclesiam & in
Rempublicam, quorum vtilitati & ornamento
crescis,

crescis, inferantur: digna & magnanimi TYLICII
in patriam, & in Academiam voluntas, quam
Deus Optimus respiciat, & maioribus in dies
accessionibus pro sui nominis hono-
re amplificet in omnem posteri-
tatis æternitatem.

D I X I.





